

讀史方輿紀要卷一百二十九

川瀆六 漕河 海運

禹貢九州貢道皆會於河河卽漕也下逮秦漢唐宋河渭淮汴皆漕也隋開通濟永濟諸渠以縱其侈心不專以漕元又濬通惠會通之河以便公私漕販時東南之粟皆由海道漕河之利未備也至明因其舊制而益爲疏濬歲漕數百萬皆取道於此蓋浮江涉淮沂河逾濟而北達於漳衛輸之太倉天下大命實係於此矣是爲漕河也

讀史方輿 卷一百二十九 川瀆六 一 敷文閣 紀要

漕河始於揚州

明初定鼎金陵西下江湖之粟東輸兩浙之漕最爲便利然東北一隅恒仰內地之供億洪武二年儲糧於蘇州太倉以備海運餉遼東五年遂由海道運七十餘萬石至遼自是屢由海道運糧以餉遼

洪武十七年運七十萬石又洪武二十二年運六十萬石三十年復運七十萬石又洪武六年浚開封漕河明年運漕粟於陝西

永樂元年命於淮安運糧入淮河沙河至陳州轉入

黃河復陸運入衛河以達北京

沙河河南之蔡河也河漕考是年命於淮

安用船可載三百石以上者運入淮河沙河至陳州潁岐口跌坡下改用沙船可載百石以上者運至跌坡上別以大船載入黃河至陽武八柳樹等處令河南車夫運赴衛河此爲變海運之始六年命

海陸兼運以達北平

時駕駐北平百費咸集命海運糧八十萬石於北平其會通河

衛河以淺河船相兼轉運十三年復自海運四十八萬餘石於通州又自淮入黃至陽武陸運至衛輝由餘石於通州所謂海陸兼運也十三年會通河成海

運始廢自是除河南山東兩淮諸處運米各由近道

達北京外其浙西漕粟凡一百六十五萬餘石皆自

瓜洲壩以達於揚州

瓜洲壩在揚州府南四十里今詳見揚州府瓜洲城上江

及江西湖廣漕粟

上江即江寧以西濱江諸郡

凡八十八萬餘石

皆自儀徵壩以達於揚州

儀徵壩在儀徵縣東南二里今詳見儀徵縣江口堰

按成化七年定兌運改兌之額河淮以南以四百萬供京師河淮以北以八百萬供邊境蓋總天下之全

數言揚州蓋東南漕粟之咽喉矣

河漕考萬歷二十年揚州南門二

讀史方輿

卷一百二十九

川瀆六

二

敷文閣

里橋河勢直洩為鹽漕梗鹽使者楊光訓機開二里橋河口西折而東從姚家溝以入舊河名曰寶帶新河

北經高郵州城西又北經寶應縣西

漕河自揚州府以達於淮安所謂南河也洪武九年

命揚州修高郵寶應湖堤六十餘里以捍風濤

時老

叢桂奏置湖堤因命知州趙原督民夫修築既而叢桂又言寶應自槐角樓抵界首沿湖堤岸屢修屢圯

民苦役無已屢請開寶應直渠從之就湖外穿渠南北四十里築長堤與渠等引水於內以便舟楫休民

力免沉溺宣德七年平江伯陳瑄築高郵寶應汜光

白馬諸湖長堤以便牽輓

堤下皆置涵洞互相灌注

成化八年河

臣王恕請治揚州至淮安湖塘造閘碇引塘水接濟

運河

是時恕以揚州一帶河道止藉高郵邵伯等湖兩水接濟河身高於湖面湖水消耗則河不能行舟因議浚深河身并嚴防近湖居民決水既出使湖得儲水以濟運蓋時勢不同矣

宏治三

年戶部侍郎白昂以高郵西甓社湖漕舟經此往往覆溺觸岸輒壞乃奏開復河於故堤東以避其患亘四十餘里賜名康濟河正德十六年管河郎中楊昂請修築寶應越河不果嘉靖三年郎中陳允賢奏稱寶應西汜光湖運船入湖三十餘里湖堤舊基俱是土石築成僅高河面三尺許堤西湖身高堤東田勢下唯賴一堤以障水且西有天長六合泗州諸水乘高而下一遇淫潦卽時瀰漫加以黃河水漲又由淮

讀史方輿

卷一百二十九

川濱六

三

敷文閣

紀要

口橫奔數年水患不時非惟運糧有妨而寶應鹽城與化通泰諸境民田淪沒饑荒隨至此江北第一患也請照康濟河事例於湖堤迤東修築運河一道庶可免風波之患復不果五年御史戴金請濬高寶一帶隄下久壅河道十七年漕臣周金奏修寶應一帶隄岸隆慶四年淮決高堰見前高寶湖堤崩壞五年河臣萬恭奏修治平水諸閘其畧曰高寶諸湖周遭數百里西受天長七十餘河秋水灌湖徒恃百甲長堤若障之使無疏洩是潰堤也以故祖宗之法徧置數十小閘於長堤之間又爲令曰但許深湖不許高

堤故以淺船淺夫取河之淤厚湖之堤夫閘多則水

易落而隄堅浚勤則湖愈深而堤厚意至遠也此年

畏修閘之勞每壞一堤即堙一閘歲月既久諸閘盡

堙而長堤為死障矣畏浚淺之苦每湖淺一尺則加

堤一尺歲月既久湖水捧起而高寶為孟城矣恭又

漕弗堤與無漕同湖堤弗閘與無堤同陳平江置減

水閘數十於長堤閘令丁夫以時啓閉湖溢則瀉之

以利隄湖落則閉之以利漕完計也積久而減水故

迹不可復得湖駁駁且沉堤矣今大治平水閘閘欲

密欲狹密則水疏無脹悶之患狹則勢緩無齧決之

虞于高郵設六江都設四寶應設八山陽設二復有

民自設者曰民間因禮泰山祠而願設者曰靈應閘

皆從平水之制上之灌輸無恙下之膏腴旱澇有備

因而勿壞公私 萬歷三年淮復決高堰高寶堤壞山

百世之利也

陽興鹽一帶悉為巨浸河漕考是年高郵西堤決 四

年漕臣吳桂芳修復高郵西湖老堤改挑康濟越河

并築中堤老堤即洪武九年所築宏治中白昂於堤

東堤其捍隔民田者為中堤中堤之中有田數十萬

頃謂之圈田後圈田滄沒老堤傾圯至是修復老堤

傍老堤為越河廢東堤 八年決高郵城南敵樓之北

堤南上河田廬皆沒又決寶應之黃浦尋築塞之十

二年科臣陳大科等請挑寶應汜光等越河三十六

里置南北閘二座以避湖險從之河成賜名宏濟後

南北閘水湍濇損 十三年修築高郵護城堤漕臣王

船改為平水閘 郎中許應達脩砌高郵護城堤宗沐檄

堤各數百丈又寶應界首三里湖堤亦稱險地并築

治十九年淮湖大漲決揚州邵伯湖堤及高郵中堤

河漕考是年淮湖衝決邵伯湖淳家灣石堤又決邵伯鎮南小壩椿板工二處又決高郵中堤朱家墩清

水潭二處郎中黃二十一年淮湖復漲壞高寶諸堤

日謹等築塞之河漕考是年淮湖溢決高郵南北中堤及魏家舍等處大小二十八口長百餘丈湖水漫過西老堤衝決

東堤又決寶應六淺潭堤二十九丈郎中沈季文等築塞之六淺在縣南十里曰白田淺二十三

年高郵中堤復決河臣楊一魁等分導淮流患稍弭

詳見淮瀆二十八年河臣劉東星檄開邵伯及界首鎮越

河避湖險東星檄郎中顧雲鳳等開邵伯越河長十

八里又挑界首鎮越河十餘里各建南北金門石閘二座其邵伯越河又三十年高郵北關小

建滅水石閘一座舟行者便之

閘口潰旋塞之四十一年漕臣陳薦檄開寶應南北

月河河漕考是年薦檄郎中何慶元等開寶應宏濟

河北月河一道長百三十三丈南月河一道長百

五十丈又建近湖西堤八淺九淺滾水石壩二座先

是宏濟河南北二閘每遇夏秋淮水漲發二閘不及

吞吐舟行覆溺至是水溜遂平八淺曰四十七年復

白馬淺在縣北十里九淺郎黃浦淺也修高郵城西石堤河臣王佐檄行郎中徐待聘修高

郵西門窰港口迤南石工凡數里是年濟界首鎮南北淤河天啓二年寶應西堤一淺

等處為風浪衝卸一淺亦曰復築治之三年修高郵

中堤及濬界首運河又修築邵伯湖石堤人以為便

漕河考高郵中堤長亘四十餘里歲久不修夏秋水

漲農田被潦因築南北金門二閘以為障艚由外湖

每遭覆溺至是修築而界首運河迤北一帶當高寶

接界處每歲淺淤市猾擅淺剝之利私阻官浚至是

察其弊大加撈濬重運無阻又邵伯湖一帶風浪拍

現行舟往往觸石覆溺亦更加修治而露筋廟

讀史方輿

卷一百二十九

川瀆六

五

敷文閣

石堤從水中疊土築砌長百六丈為牽挽之利輿程記自揚州而北十五里

曰揚子灣一名灣頭又北十五里曰高廟又北

三十里曰邵伯驛亦曰邵伯鎮其西為邵伯湖湖堤又北

歷十七年河臣潘季馴修築石堤幾二千丈又三十

五里曰烈女廟俗稱露筋廟自邵伯北十里地名三

廟為湖波衝激之處有又三十里至高郵州遠城西

而北一望瀰漫皆大湖也康濟河在焉舊有東中西

出其又北二十里曰清水潭地形卑窪每為湖波衝

墩丁志港諸處皆又北十五里曰張家溝有巡又北

二十五里曰界首驛亦曰界首鎮又北十里日子嬰溝溝

讀史方輿 卷一百二十九 川瀆六 六 敷文閣

接運河東連潼河入於廣洋湖淮湖灌溢藉此旁洩

有子嬰鋪又十里有汜水閘又五里為瓦店閘又十

里即槐角樓亦曰槐樓鎮湖波又二

十里至寶應縣環城三面重湖浩淼城南為清水湖

馬諸湖萬歷十二年越河成自城西北至槐角樓以

南長三十六里即舊堤為西堤兩別堤其東引水注

之舟行其中又築滾水三壩於兩堤間水又北二十

漲則注於支河由射陽廣洋湖以入於海

里曰黃浦亦湖流決嚙處也萬歷十七年河臣潘季

帶流緩沙停乃築西又北十里曰涇河首受漕河東

土堤數里以東漕水又北十里曰涇河達射陽湖萬

歷二十三年河臣楊一魁開而入淮安府界志云寶

以黃浦為界自涇河而北十里曰平河橋又三十里

至楊家廟又十里即淮安府城此皆運艘必經之地

不可少有淮揚南北統計三百有十里為輸輓噤喉

間阻者也

之地然漕之治否由於諸湖之節宣得宜而諸湖之
治否又由於淮黃之分合無阻嘉隆以來高寶之間
載胥及溺矣說者曰欲開閘洞先濬支河欲濬支河
先通海口此亦救弊之善策歟

又北經淮安府城南西折而入於淮又北出以入於河
漕河在淮安府城南末樂十四年平江伯陳瑄疏濬

故沙河置閘通舟謂之清江浦河渠考初漕至淮安

壩入淮逆水行六十里至是瑄因宋喬維岳所開沙
河舊渠益加疏治置閘通舟又於新城東西置五壩
引湖水遠城抵壩口遇清口淤塞運船從城東經城
東北仁義二壩入淮官民商船從城西經城西北禮
智信三壩入淮人以爲便今自城而西十五里曰

詳見淮安西三十里之新城今自城而西十五里曰
讀史方輿卷一百二十九川瀆六 七 敷文閣

板閘本名移風閘後改萬歷五年漕臣吳桂芳等增
築山陽運堤自板閘至黃浦長七十餘里又增

建興文閘於又十五里曰清江閘謂此爲清江浦俗
府城南十里

又十五里曰福興閘舊閘在清江閘五里去通濟閘
二里

改建於壽州厥適又十里曰通濟閘舊名新莊閘亦
中之地即今閘也

河三對岸嘉靖末濁流填淤因改置通濟閘於浦南
三里溝隆慶中河臣萬恭復開天妃閘以通運萬歷
六年河臣潘季馴奏移置通濟閘於甘羅城東去新
莊舊閘不及一里河口斜向西南以避黃趨淮因議
廢新莊舊閘建壩閘內爲車盤入淮之道其舊置五
壩信壩以近淮城係黃河壩灣又與清口閘相鄰恐有
一壩出船亦係黃河壩灣又與清口閘相鄰恐有
外衝漫不復修復止將禮智二壩淤復與新莊舊閘
爲車盤三壩初陳瑄創鑿清江浦一帶以通黃淮兩河
之河渠考初陳瑄創鑿清江浦一帶以通黃淮兩河

而黃流甚濁恐至淤澱乃設天妃等閘遞相啓閉以
時節宣時將入伏閘外即築輓壩一應船隻俱從五

壩車盤九月水落復開壩由開二百餘年皆從其制
後漸廢弛天如開全納濁流舟行阻滯乃改置開於
三里溝以避黃就淮隆慶五年河臣萬恭言舊道天
如口入黃河穿清河半响耳嗣緣黃河水漲逆入天
如口而清河口多淤議者乃塞天如口開新河以接
淮河蓋以避黃水之淤耳及伏秋黃水發則西擁淮
流數十里并灌新開河未嘗不淤也又使運艘迂入
里淺滯始達於清河孰與出天如口之便且利哉因
復開舊開既而啓閉不時淤塞益甚萬歷五年開朱
家口引清水灌之僅可通舟六月間黃水盛發慮其
濟開專向淮水用清避濁五六月間黃水盛發慮其
逆上仍築軟壩隨時啓塞申嚴舊制運道賴以無阻

開口即清江浦口為漕河入淮之處稍折而北乃為

清口即黃淮合會處也河漕考明艾南英合輯景泰七年河

灌新莊開口至清江浦三十餘里淤淺阻漕命濬治

之尋復舊隆慶四年淮決高堰河決崔鎮見桃漕河源縣

讀史方輿 卷一百二十九 川瀆六 八 敷文閣 紀要

漲溢萬歷三年高堰崔鎮復決山陽以南滙為巨浸

五年漕臣吳桂芳等增築山陽運堤築清江浦南堤

以禦湖水增河岸以禦黃淮六年河臣潘季馴復築

高堰長堤修清江浦北岸迤東長堤而漕大治十四

年河決天如壩尋塞之天啓元年山陽裏河外河清

河俱溢決數處水灌淮城詳見大河三年山陽外河謂淮

決乾溝新河乾溝在清江浦西南西湖決馬湖開是

壩等處在府西南二十里清江浦南岸尋築塞之四

年濬新河起自府城南十里楊家廟西至旋濬正河

時正河淺淤因先濬新河以通回又修築護城堤以

空漕舟而次濬正河以行重運

防水患

城南築包家圍洋信港諸處城西築西湖嘴至許家圍諸處

說者曰漕河

要害莫甚於清江口一帶倘南河水發謂淮必奔入

浦口衝開決堤漫湖壞壩決而北則埽河頭湖嘴諸

市而入北河決而南則出高家堰席捲湖蕩破諸涵

洞包家圍以南必且為沮洳之區矣倘北河水發不

衝嚙北河堤岸亦必注南河破運道汎濫於高家堰

一帶然此猶南北獨漲之患也倘兩河並溢則上至

清河邳宿下至高寶興鹽且蕩然一壑耳淮志云淮安

府志明陳文燭修平江伯剗挑運河開清江浦口其法全仗

水平清江口自新莊開而下因其高卑遞為五開五開

紀要

讀史方輿

卷一百二十九

川瀆六

九

敷文閣

或曰舊通濟開原在新莊福興之間旋廢故福興新莊相去至二十餘里潘季馴因而改置也板開

而下南抵瓜儀堤湖鑿渠置閘設洞水各相平以時

蓄洩又慮河溢則南侵漕於是堤北河南岸長四十

餘里以護漕河而石甃雞嘴雞嘴壩名順水壩於草灣對岸

之衝以護堤慮淮漲則北侵漕於是築漕南之高家

堰長二十六里餘以護漕河而甃磚洞於高卑有辨

之界以護堰一防北河黃流入口不免泥淤因詳為

閘壩之制一防各閘啓閉無時不免淺涸因嚴其啓

放之規法至密也其後日就廢弛不究水平法度不

審壩開利病何怪淮之日却而南河亦乘之同注於

漕渠哉漕河南諸湖滿則入漕渠渠東岸堤自城南包家圍至寶應界可六十里有涵洞有平水閘水滿則過閘入洞澗外有溝接受閘洞餘水會諸圳澗不妨田疇且資灌溉與浮河並橫巨而東並入射陽湖薄鹽城石澗口入海又郡城之東有澗河有馬邏建義諸港中間各有田疇各有溝洫或順澗河或順諸港各入射陽湖由廟灣暨鹽城縣北出捍海塘以入海此亦疏導壅關之一法也

又西北經清河縣治西又西經桃源縣北又西經宿遷縣南

漕河自清江浦口接淮河稍東北行五里而至清口

清口在清河縣治西南又西三十里為三汊口有巡司

清河分淺之處萬歷十六年議開老黃河處也又西二十里曰新河口又西
讀史方輿卷一百二十九 川瀆六 十 敷文閣

十里曰黃家嘴萬歷二十四年楊一魁分導新河之處又十里即桃源

縣大河南去縣城不及一里又西十里曰滿家灣又西三十里曰

崔鎮隆慶萬歷間黃河屢決於此清口淤塞黃運交病又西二十里曰古城驛

又西二十里曰白洋河口歸仁集堤在焉堤在河口東南所以捍禦黃水雖水湖水使不得射泗州衝高堰又束睢湖之水使并注黃河助其衝刷者也萬歷六年河臣

潘季馴創築長三又十五里曰陸家墩十里曰小河

口又十五里至宿遷縣又十五里為落馬湖口志云宿遷

縣北有侍郎落馬湖為山東境蒙沂諸水所匯也天

啓初議開落馬湖口至邳州直河東岸馬湖類口凡五

十里以遊劉口直口及磨兒莊一帶險濶直接加河

繼又以縣西二里有陳董家溝在縣西二十里東去

溝更避二十里又西為劉口又西則磨盤莊接直口

落馬湖口五里又西為劉口又西則磨盤莊接直口

之處舊皆運船所經是時泃河通運垂二十年因益開新路以接泃河崇禎六年大河從呂梁洪西決入直河而直河董口匯成又十五里為汭路河又二十里至皂河西接邳州界興程記汭路口西五里為毛二里即皂河矣蓋即大河經流之道矣

又西經邳州城南及睢寧縣北又西經靈壁縣北

漕河在邳州城南二里自皂河而西十里至直河口

山東蒙沂諸山之水又西三十里至匙頭灣隆慶四年河決從此洩入於大河

靈壁縣油房諸處下流淺淤河臣潘季馴浚匙頭灣八十餘里盡塞決口河復故道又二十里

至邳州又二十里至乾溝又二十里至睢寧縣之辛

安驛又十里為馬家淺又二十里為靈壁縣之雙溝

讀史方輿 卷一百二十九 川瀆六 七 敷文閣

又五里為徐州接境之栲栳灣在大河北岸以上諸口皆大河決溢處也

河渠考萬歷三十一年河決單縣之蘇莊入夏鎮衝

運道明年河臣李化龍以漕事可虞請挑泃河起直

河口至李家口止在夏鎮東十里凡二百六十里漕船始由

泃通行以避黃險蓋泃河之議始於隆慶中河臣翁

大立而泃河之功成於化龍中間開直河之支渠修

王市之石閘王市在邳州北五十餘里平大泛口之滹淄大泛口在州西

北八濬彭家口之沙淺彭家口在州西北百十里為功

最巨自是漕出邳州之北河經州南矣實錄萬歷三年科臣侯于

兆等議以河衝蕭碭則二洪涸衝睢寧則邳河淤請自夏鎮以東數十里開性義嶺通泃河為可興之功

議者多言不便至是河成卒賴其利里道記由直河
驛而西北二十里至田家口又二十里至萬莊集又
二十里至王市開又十里至齊塘橋又十里至二邱廟
又十里至鄧家開又十里至巨梁橋又二十里至韓
莊開又六十里而至夏鎮此泖河開後漕舟北出之
道也萬歷末河臣劉士忠復慮泖河易淤議每歲三
月開泖行運九月閉之以修濬開呂壩合回空由黃
是後泖黃並用云
泖河今詳見邳州

又西北經徐州之北而接於泉河又西北經沛縣之東

漕河在州城東北自州北以達於臨清所謂泉河也

汶泗之水與諸泉滙亦曰開河其舊道自栲栳灣而

西北十五里至房村又十里至呂梁洪舊稱懸流干

仞處也今鑄鑿屢施無復嵯岬之患矣詳見徐州又二十

讀史方輿 卷一百二十九 川瀆六 三 敷文閣

里曰黃鐘集又十五里曰樊家店又七里曰狼矢溝

萬歷中河屢決於此今詳見大河及徐州境內又十八里至百步洪峭石驚

湍險與呂梁相埒今亦剗鑿就平詳見徐州然上流決潰

漕舟經此輒有淺澁之虞嘉靖十九年河決睢州二

蘭陽李景高口以濟運上言漕河初開原不資於大

河後因黃河屢被衝決曹單豐浦魚臺數十年間泛

濫瀾漫因其勢而曲為宣防故徐呂二洪亦賴濟運

然魯橋以下諸閘及昭陽湖泊多被淤塞今河漸南

徙舊決各口俱已乾塞惟存野鷄岡孫繼口二處亦

係舊築導河支流直出徐州小浮橋徑下徐呂二洪

比之往年出自豐沛魚臺等處絕不相同與諸閘無

于可免淤塞之患若令本口多開一溝常借三分支

流使歸築渠內則二洪得以通行無阻矣其後二洪

益至淺泖河亦復遷徙萬歷二十五年河決單縣

黃堍口入河南夏邑永城界二洪復泖河臣楊一魁

亦言國家運道原不資於河全河初出亳壽之郊以

不治治之故歲無治河之費其後全河漸決入運因
 遂資其灌輸五十餘年久假不歸又曰築垣而居之
 涓滴不容外洩於是濁沙日淤河身日高上過汶泗
 則鎮口受淤魚漆被浸下壅清淮則退而內瀦野泗
 為魚以至瀕河沒溺歲運飄流甚至侵及祖陵而當
 事者猥以運道所資勢不能却之他徙臣謂宜收弦
 易轍但用小浮橋股引之流及節宣汶泗沂兗之水
 已足濟運正不必殫力決塞以回全河也既而二洪
 益涸河患無已乃復挽黃流疏徐邳運河蓋自徐呂
 二洪至清河五百四十里重運出其間欲僅以汶泗
 餘波濟之必又二里出州城東北大浮橋在舊城東
 不得之數矣又二里出州城東北大浮橋在舊城東
 名萬會橋今去新 又西北二十里至秦梁洪又十里
 遷州城五里許

至茶城舊為北接閘河之口大河舊道從城東北隅

益徙而北小浮橋漸淤遂自茶城接於閘河河漕考

徐州北三十里有秦溝在與茶城對衝戚家港一帶

水勢湍溜自河入秦溝鑿運往往覆溺漕舟因另開

河北岸塔山支河以行舟後復淤因開內華等閘

隆慶六年河臣朱衡言時河決邳州運道阻茶城以

北防黃河之決而入茶城以南防黃河之決而出故

自茶城至邳州宿遷高築兩隄宿遷至清河盡塞決

口蓋防黃河出則正河淤也自茶城秦溝口至豐沛

曹單皆接築漚水舊堤蓋防黃河入則漕渠淤也二

處告竣則沛縣窰子頭在沛縣東南三十里至秦溝口應築堤

捍禦從之萬歷十六年潘季馴言河水濁而強汶泗

清而弱交處則茶城也水漲沙停水落沙去全在閘

禁嚴明啓閉以時所謂建閘易守閘難也河漕考萬

歷九年中華河郎中陳瑛以茶城口逼近黃流水發則倒灌茶城
 沙停易淤因移河口於茶城東八里創建古洪內華

二閘黃漲則閉閘避淤黃退則啓閘衝刷十六年科
臣常居敬復於古洪閘東南二里餘增築鎖口閘去
河愈近衝刷益易十七年河臣潘季馴議以鎮口古
洪以東多傍山麓以西一望平曠濁河經流更無隄
防黃水出岸橫截閘河腹心受病因於塔山支河接
築縷堤一道而牛角灣即茶城舊運渠也又築壩一
道東接塔山西接長堤凡二里許又以壩地本係河
身因於壩南舊縷堤支將軍廟起東接塔山築長堤
以衛之黃流始無從逸入是時季馴復請開小浮橋
舊河議者謂自歸德丁家道以東舊河多成平陸小
浮橋去古洪三十餘里難以濟運遂又十里曰梁境
寢三十四年復開小浮橋河由故道又十里曰黃家
閘其地有境山因名輿程記境山北二十里曰黃家
閘又十餘里曰皮溝閘又九里即雷城矣漕河記
運河自茶城北出臨清舊有七十二淺新河開後悉
爲通渠惟茶城爲黃運交會間正值運盛時黃水淺
高下不相接是以有茶城黃家閘又三十里至雷城
之淺因復設境山閘以節宣之

讀史方輿 卷一百一十九 川瀆六 古 敷文閣

湖汜濫而東大河運道大阻遣工部尚書朱衡濬治

衡奏開新河自雷城北至南陽閘凡百四十一里有

奇新河在舊河東三十里舊河自雷城北五里曰中沽

頭謝溝閘又十里曰下沽頭閘又七里爲金溝閘又十里

至沛縣又北三十里曰廟道口閘又北十八里爲湖

陵城閘入魚臺縣界而沛縣東北有昭陽湖及沙薛

諸水皆入金溝閘注於運河初嘉靖七年河決曹單

侵沛北逾漕入昭陽湖左別開新渠北起姜家口南至雷

應期請於昭陽湖以通漕船而延臣胡世寧亦言宜於

城百四十餘里以通漕船而延臣胡世寧亦言宜於

昭陽湖東岸滕沛魚臺鄒縣地方之中地名獨山新

安社諸處別開一河南接雷城北接沙河河口二處舊

河以爲運道而以昭陽爲河流漫散之區所謂不與

水爭地也從之功未畢爲異議所阻至是河流變異

運道悉皆淤塞朱衡謂運道之利莫如應期所開之

地乃上言自古治河惟欲避害今之治河兼資其利

河流出境山之北則閘河淤出徐州之南則二洪淤

紀讀

惟出自境山至小浮橋四十餘里間乃兩利而無害
自黃河橫流碭山郭貫樓支河皆已淤塞河從華山
分為南北二支南出秦溝正在境山以南五里許此
誠運河之流也惟北出沛西及飛雲橋逆上魚臺為
患甚大今議者多以復故道為言其不可有五自新
集至兩河口皆平原高阜無尺寸故道可因郭貫樓
至龍溝一帶頗有河形又係新淤無可駐足一也河
流由新集則商邱虞城夏邑受之由郭貫樓接則蕭
受之今改復故道則魚沛之禍復移蕭二也黃河
西注華山勢若建瓴欲從中鑿渠挽水南向必當築
壩為力甚難三也曠日持久四也工費告匱五也惟
宜廣開秦溝使下流通行修築長堤以防犇潰從之
及新河成引鮎魚諸水薛河沙河注其中壩三河口
築馬家橋堤過水俱入於秦溝而橫流始殺三河口
諸處見滕縣及沛縣境 濬舊河白留城至境山之南凡五十三
里有奇 潭一作畱城至赤龍運河通利年河衝濁河鷄
爪溝逆徐入洪繼而山水暴發淤新河三河口朱衡
於薛河則築王家口豸裏溝等壩開支河引水由呂
史方輿 卷一百二十九 川瀆六 圭 敷文閣

要

孟湖出地濱溝西南入運河於沙河則築皇輔等壩
開支河引水會趙溝等泉而入獨山湖注運河凡新
河之為開九其利建開屬北河而珠梅以南八開屬
夏鎮又減水開凡二十壩十有三薛河口石壩一南
陽河石堤三十餘里又開支河凡八旱則資以濟漕
滌則洩之昭陽而運道盡通所謂夏鎮河也三年河
溢豐沛間衡復自城東北二十餘里開回回墓河上
通昭陽湖口陵城河口以洩漲水既而河臣翁大立
開鴻溝廢渠亦自臨陽東 今自畱城而北十三里曰
出畱城為節宣之利云

馬家橋開 自開而北五里曰西柳莊開 一名蕭
去沛縣 又五里曰滿家橋開 又五里曰夏鎮開 有夏
四十里 萬歷三十三年泲河成漕由直河而西
分司駐焉縣 東北四十里 北至夏鎮始合於正河不復出徐沛東矣自夏鎮而
北又六里曰楊莊開 舊名楊家樓開在縣東北四十
三里河漕考楊莊開東北即薛

北至夏鎮始合於正河不復出徐沛東矣自夏鎮而
北又六里曰楊莊開 舊名楊家樓開在縣東北四十
三里河漕考楊莊開東北即薛

河壩又北即沙河壩所謂沙又北即山東魚臺縣境

又西北經魚臺縣東又北經濟寧州西運河西岸曰嘉

亦皆運道所經

運河在魚臺縣東北二十里自江南沛縣之楊莊開

三十里至珠梅閘舊名申家閘沛縣志云在縣北四十里已上屬夏鎮分司又北

四十里至利建閘屬北河分司又二十里曰南陽閘自雷

城至南陽所謂新河也其舊運河在縣東十七里一

名谷亭河有谷亭鎮在縣東南二十五里志云自沛縣北湖陵城閘十二里至孟陽

閘又十八里即南陽閘矣此舊運河所經之道也又西

南為塌場口在縣南四十里明初洪武元年大將軍徐達開

讀史方輿 卷一百二十九 川瀆六 去 敷文閣

塌場口引大河入泗通運時運河未濬治也永樂九年初濬

會通河成會通河本元舊名也志云元初定江南漕轉之路自浙西入江淮由黃河逆流至於

中樂登陸以至淇門復由御河登舟以達燕京至元

二十年以江淮水運不通乃命兵部尚書李粵魯赤

等自今濟寧州開河達於今東平州之安民山凡百

五十里北自奉符為一牖以導汶水入洸東北自兗

州為一牖以過泗沂二水亦會於洸以出濟寧之會

源牖分流南北其西北流者至安民山以入濟故

瀆經東阿縣至利津縣入於海其後海口沙壅又從

東阿陸轉二百里抵臨清州以下御河二十六年由壽張

壽張縣尹韓仲暉言復自安民山西南開河由壽張

西北至臨清引汶絕濟達於御漳凡二百五十里是

名會通河由是南接豐沛北迄天津凡一千五百餘

里而推輓之勞不事焉明初河決原武漫入安山湖

而會通河淤赤樂九年以濟寧州同知潘叔正言命

尚書宋禮濬會通河故道自濟寧至臨清二百八十

五里凡九閘 侍郎金純從封邱荆隆口引河達塌場

月而績成

口築堤導河經二洪百步呂梁洪也南入淮後黃河屢經遷

決而塌場運道淤嘉靖七年河決而南沛縣北廟道

口淤八年沛縣飛雲橋之水北徙魚臺谷亭舟行開

面九年河決塌場口衝谷亭水經三年不去二十六

年復自曹縣決入谷亭四十四年黃河決溢谷亭以

南運道復淤於是河臣朱衡改濬新河至南陽復合

於舊河今由南陽而西北十里曰棗林閘志云南陽西北有支

河曰牛頭河由魚臺東舊河口分流而北至鉅野縣永通閘復合於正河又五里曰魯橋

閘又三里曰師家莊閘又八里曰仲家淺閘又五里

曰新閘又五里曰新店閘又十八里曰石佛閘又五

讀史方輿 卷一百二十九 川瀆六 七 敷文閣

里曰趙村閘又八里曰在城閘又二里至濟寧州城

南天井閘又西北三十五里至通濟閘而入汶上縣

界通濟閘萬歷十七年增置屬鉅野縣界又西南五里

合流處也輿程記州西三里有水閘又西十三里舊有安居閘又五里曰耐牢閘又十里曰火頭灣即

通濟閘也自茶城而直隸至臨清皆所謂閘河也亦謂之

泉河漕河考亦見泉山東泉源屬濟兗二府十六州

縣共一百八十泉崇禎五年共計舊泉二百二十六

泉疏引漸增也議者謂諸泉沙積頗多汶河每為壅淤如天時亢旱泉水亦無涓滴一遇淫潦隨地漫流

故泉可恃而分爲五派以濟運道新泰萊蕪泰安肥未可盡恃云

城東平平陰汶上蒙陰之西寧陽之北九州縣之泉

俱入南旺分流其功最多關係最重是為分水派泗水曲阜嶧陽寧陽迤南四縣之泉俱入濟寧關係亦大是為天井派鄒縣濟寧魚臺嶧縣之西曲阜之北五州縣之泉俱入魯橋是為魯橋派滕縣諸泉盡入獨山呂孟等湖以達新河是為新河派又沂水蒙陰諸泉與嶧縣諸泉俱入邳州徐呂而下黃河是為邳州派志云宏治中棄蒙沂諸泉萬歷初以滕嶧魚之泉舊入沙河及二洪新河開後由呂孟等湖入運湖有餘瀘亦議棄之其分水天井魯橋三派均漕河命脉也又北經汶上縣西又北經東平州西

運河在汶上縣西南三十五里志云自濟寧州通濟

讀史方輿

卷一百二十九

川瀆六

六

敷文閣

開而北二十餘里至縣境之寺前閘輿程記火頭灣而北十里曰小

長溝又六里曰大長溝又十二里曰柳林閘亦曰南

又五里而至寺前閘云又四里曰南旺北閘亦曰

又四里為南旺此為南北又四里曰南旺北閘亦曰

南旺南北閘河之上源也永樂中築戴村壩在東平

十邊汶水盡出南旺分流為二四分往南以達徐浦

注於河六分往北以達臨清入於衛河渠考是時相

閉自分水至臨清地降九十尺為閘十有七南至

沽頭地降百有十六尺為閘二十有八故曰閘河

是修堤濬渠專官管理稱為要害南旺上流專藉汶

沙自戴村直至南旺河皆平滿水易漲溢雖屢經挑濬而沙積兩岸或平鋪地上風起飛颺仍歸河內嘉靖間築東西堤攔之且開減水閘滾水壩各四以洩

洪水云潘季馴曰南旺分水地形最高所謂水脊也

南流北流惟吾所用當春夏轉輸之際正汝水微弱之時宜用輪番之法如運艘淺於濟寧之間則閉南旺北開合汶盡南流以灌茶城如運艘淺於東昌之間則閉南旺南開合汶盡北流以灌臨清當其南也並發東南諸湖水佐之當其北也并發濱北諸湖水佐之泉湖兼注南北台流即遇旱暵不濟矣所謂分則不足合漕河考運艘全賴於漕渠每資於水櫃則有餘也

南旺等五湖

謂南旺蜀山安山馬馬昭陽馬踏五湖也或以南旺安山馬昭陽為四櫃水

之櫃也漕河水漲則減水入湖涸則放水入河各建

閘壩以時啓閉實為利漕至計

嘉隆以來昭陽湖為河水淤平民畝其中

南旺安山諸湖亦時為民所盜種湖皆狹小無以濟運漕行其間多患淺澁蓋河身常高於湖至六七尺水易旁洩漕蓄得宜則湖利而漕亦利矣萬歷中科臣常居敬言鎮口閘至臨清板閘一帶漕渠共計八百餘里皆藉汶河之水以資利涉而漕渠頗遠泉源頗微故多設閘座以便節宣修復南旺等五湖以便

讀史方輿

卷一百二十九

川瀆六

五

敷文閣

漕蓄建立減水閘壩以後舊制漸湮漕始多故矣自便宣導皆治漕要務也

北開而北又十二里曰開河閘又十二里曰袁家閘

漕河考永樂中尚書宋禮濬會通河一因元人之舊惟於汶上縣袁家口東徙二十里至壽張縣之沙灣而接舊河又十八里曰靳家口閘以下屬東平州又十五里即此處也

曰劉家莊又十五里曰經東平州西之安山湖州城

十五里有安山閘元至元二十六年自安民山西南濬會通河至臨清是也明天順八年安山北至臨清

二百五十餘里皆淺阻都察院都事金景輝上言汴梁北陳橋原有黃河故道其河北由長垣縣大崗河

經曹州至鉅野縣安興墓巡司地界出會通河合汶水通臨清惟陳橋三十餘里淺狹可開挑深濶引河

沁二水通運河如此則徐州臨清西河均得河沁之濟而衛河亦增且開封長垣曹鄆等處稅糧俱免陸

運江淮民船亦可由徐州小浮橋達陳橋至又北三

臨清得免濟寧一帶閘座擠塞雷滯之弊又北三

防河東注疏曹單間賈魯古河導河盡南下徐沛由
淮入海乃於張秋鎮南北各造滾水石壩中砌石堤
十餘里仍疏引汶水接濟運河萬一河再東決壩可
泄漲水堤可捍衝流或夏秋水溢南邊石壩逼近上
流河口船隻不便往來則於賈魯河或雙河口徑
達張秋北下且免濟寧一帶開河險阻尤為便利
河復治於是更名張秋堤曰安平鎮河防分自鎮而

北十二里為荆門上下二閘又十二里為阿城上下
二閘又十二里為七級上下二閘又十五里為官窰

口又十里曰周店閘荆門以下諸閘屬陽穀縣界而入東昌府界

又北經東昌府東又北經堂邑縣東又北經博平及清

平縣西

漕河在東昌府城東南自周店閘而北十五里是曰

讀史方輿 卷一百二十九 川瀆六 主 敷文閣 紀要

李家務閘一作李海務又二十里至府城南通濟閘志云白東

昌府南至安平鎮凡九十里也又五里至城北永通閘二閘皆萬歷初增置又

三十五里曰梁家鄉閘又十五里曰上橋閘二閘屬堂邑縣

境又十二里曰魏家灣閘又北二十里曰戴家灣閘

二閘屬清平縣志曰清陽驛在二閘間相去各十里河之東岸即博平縣界也又北接臨清

州界

又北經臨清州城西而入於衛河又北經夏津縣及武

城縣西

漕河在臨清州城西自州北以達於天津皆衛河也

志云漕河自清平縣戴家灣閘二十里至雙淺舖又

二十里至州南三里之板閘又北至城下曰新開上
閘稍北曰南板閘為北接衛河之口閘河至此勢弱
流緩而衛河流濁勢盛故於其間櫛比置閘以防閘
河之北出又以防衛河之南溢也漕河考閘河高而
衛河下此為交合
之處每三四月間雨少泉澁閘河既淺衛水
又消高下陡峻勢若建瓴節宣不可無術也漕舟入
衛河始無啓閉之阻安流以達天津矣由臨清而北
四十里曰夏城窰一作油坊巡司又北二十里入夏津縣界
東北去縣四十里又二十里曰渡口驛又三十里經
武城縣城西又東北五十里曰甲馬營有巡司而接恩
縣界

讀史方輿
紀要

卷一百二十九

川瀆六

三

敷文閣

又東北經恩縣西又北經故城縣東

漕河在恩縣西北五十里自甲馬營東北五十里至
鄭家口又三十里至防前又三十里經直隸故城縣
城東南又七十里即德州矣蓋自臨清而東北即直
隸大川衛河所經之道也

又東北經德州城西又東北經景州之東吳橋縣西

漕河在德州城西自故城縣流經此又七十里地名
桑園有良店水驛又北三十里為廢安陵縣西去景州十

七里安陵之東即吳橋縣界也東去縣城三十里又三十里

曰黃家園亦曰黃家園河口又三十里曰連兒窩有連窩驛屬吳橋縣

又東北接東光縣界

又東北經東光縣西又東北經交河縣東

漕河在東光縣城西三里自連窩驛三十里而經縣

西又東北五十里而經交河縣東五十里之泊頭鎮

又東即南皮縣也

輿程記自東光縣東北二十里至下店口又三十里即泊頭鎮新橋

驛在焉

又東北經南皮縣西又東折而北經滄州城西又西北

經興濟縣西

漕河在南皮縣西北二十里有齊家堰自泊頭鎮東

北二十里流經此又二十里為薛家窩又三十五里

讀史方輿紀要

卷一百二十九

川瀆六

三

敷文閣

至滄州南之磚河驛又北三十里至滄州城西又北

四十里而經興濟縣城西也

又北經青縣東又東北經靜海縣北又北接於白河

漕河在縣城東自興濟縣西北流四十里而經此

輿程

記興濟縣北十里至周官兒屯又二十里至青縣

又東北流四十里至流河

驛又六十里至雙塘

輿程記流河驛東北二十里有唐官河屯又四十里至雙塘兒

又東北十二里經靜海縣城北又北二十里至獨流

河又二十里為新口又二十里為楊柳青又二十里

為曹家莊又二十里至天津衛衛河至此而合於白

河天津當兩河之交為噤喉重地衛東為小直沽口

幾輔羣川悉由此而達於海矣自天津衛至海口凡六十里

又西北經武清縣東又西北經灤縣東

漕河在武清縣東三十五里自天津衛以達於神京

皆白河之流也亦謂之通惠河元人創開運道自昌平州引神山諸泉經

都城至通州合於白河又南至於天津皆曰通惠河今亦曰大通河又今自天津而西

北十里曰丁家沽又十里曰尹兒灣又十里曰桃花

口又十里曰滿溝兒又二十里曰楊村驛潘氏曰楊村以北通

惠之勢峻若建瓴白河之流淤沙易阻夏秋水漲則懼其潦冬春水微則病其澁浮沙之地既難建閘以備節宣惟有濬築之工耳沿河兩堤如搬罾口火燒

屯通濟廠東要兒渡口黃家務華家口閘家口棉花市猪市口觀音堂蔡家口桃花口以上堤岸卑薄最甚民居漕艘被患不時所當以時濬築不可或忽也

讀史方輿

卷一百二十九

川瀆六

古

敷文閣

又三十里曰南北蔡村又十里曰磚廠又十里曰黃

家務又十里曰蒙村又十里曰白廟兒又十里曰河

西務西南至武清縣三十里又三十里曰紅廟里道記河西驛十五里至王家

擺渡口又十里至魯家渡又五里至紅廟又十里曰靳家莊又十里曰搬

罾口又十里曰蕭家林又十里曰和合驛屬通州又二十里至

灤縣楊家莊又二十里至灤縣又十里則火燒屯也自河

西務以至通州張家灣計百四十里河狹水迅路曲

沙渟凡五十有九淺云

又北至通州之南而輸於太倉

漕河至州南十五里曰張家灣東南運艘畢集於此

乃運入通州倉

里道記火燒屯而北七里曰公雞店又七里曰沙孤堆又六里曰保運觀

亦謂之李二寺又十里即張家灣矣

自通州而西又四十五里乃達於

都城則上流淺阻置閘節宣僅容盤運非運艘直達

之道矣

詳見京師大通河

潘季馴曰治河莫難於我朝亦莫善於我朝宋元以來惟欲避河之害故賈讓不與河爭地之說爲上策自永樂以來由淮及徐藉河資運欲不與之爭得乎此之謂難然以治河之工而收治漕之利漕不可一歲不通則河不可一歲不治一舉兩得所謂善也故

宋元以前黃河或北或南曾無定歲我朝河不北徙

紀要

讀史方輿

卷一百二十九

川瀆六

五

敷文閣

二百餘年此兼漕之利也今欲別尋一道遂置兩河於不治則堯舜之時汎濫於中國者此河也縱使漕運無阻民可得而食乎又曰運河自瓜儀至淮安則資湖自淮安至徐州鎮口閘則資河自鎮口閘至臨清板閘則資汶泗河泮洞之水患在澇汶泗涓涓之流患在涸固其堤使之可捍深其渠使之可容此治澇法也湖以蓄之使不匱閘以節之使可繼此治涸法也邵伯隄固而湖水無泛濫之虞寶應堤成而閘口免回沙之積高堰無傾圯之患則淮揚免昏墊之災淮河絕支岐之流則清口有專攻之力茶城鎮口

之閘建深得重門禦暴之方求通通濟之閘增自無
長堤濟運之困五湖堤界明則汶泗滄涵而不時之
需可待斗門閘壩設則蓄洩有所而湖河之利相須
汶泗趨而泉河易竭故坎河大壩之關係匪輕汶北
注而南旺之東流必微故何家一壩之利賴不少至
於捲築障埽加帮卑薄雖非一勞永逸之計然亦每
歲修防之必不可已者也

夏允彝曰漕河南盡瓜儀北通燕薊其間自昌平縣

神山泉諸水由西山貫都城過大通橋東至通州入
白河者大通河也自通州而南至直沽會衛水入海
者白水也自天津而南至臨清會衛河者衛水也開
河自南旺分流北經張秋至臨清會衛河南至濟寧
天井開會泗沂洗三水者汶水也自濟寧城東北出
天井開與汶合南流至南陽出夏鎮每年俱於三月

紀要

讀史方輿 卷一百二十九

川瀆六

癸

敷文閣

開彭壩入泲河出直口入黃以濟重運九月閉彭壩
由徐州大浮橋入黃南下者泗洗沂并山東泉水也
自直河口至清口者黃河也自清口
通淮南至儀徵瓜洲者淮湖諸水也

王在晉曰東南糧餉由會通河而達京師南北不啻
數千里總命曰漕河其實有六為白漕為衛漕為閘
漕為河漕為湖漕為浙漕大抵水勢迥異而治法亦
各有緩急之殊六漕之中惟河漕湖漕最急河漕為
有源之水而遷決靡定湖漕為無源之水而衝嚙可
虞謝肇淪曰漕河由廣陵而達淮安為南河由黃河
而達豐沛為中河由山東而達天津為北河由天
津而達張家灣為通惠河之
四者天下之脈絡所關也

余毅中曰國家定鼎燕都轉漕吳楚其治河也匪直

祛其害而復資其利故較之往代爲最難然通漕於河則治河卽以治漕會河於淮則治淮卽以治河合河淮而同入於海則治河淮卽以治海故較之往代亦最利邇歲以來橫議滋起有以決口爲不必塞而且欲就決爲漕者不知水分勢緩沙停漕淤雖有旁決將安用之無論沮洳難舟田廬咸沼也是索途於冥者也有以縷堤爲足恃而疑遙堤無益者不知河挾萬流湍激異甚堤近則逼迫難容堤遠則容蓄廣寬謂遙不如縷是貯斛於孟者也有謂海口淺墊須別鑿一口者不知非海口不能容二瀆乃二瀆失其

讀史方輿
紀要

卷一百二十九

川瀆六

三

敷文閣

注海之本體耳使二瀆仍復故流則海口必復故額若人力所開豈能幾舊口萬分之一別鑿之說是穿咽於胸者也又有謂高堰築則泗州溢而欲任淮東注者不知堰築而後淮口通淮口通而後入海順欲拯泗患而訾堰工是求前於却者也他如絕流而挑方舟而濬疏渠以殺流引洫以灌溉襲虛舊之談而懵時宜之窾者紛紛籍籍載道盈廷至於鈞奇之士則又欲舍舊而新是圖於是有泐膠睢三河之說焉不知旣治河而又別治漕是以財委壑也又有興復海運之說焉不知歲用民賦而又歲用民命是以民

委壑也是又不達於水可攻水之理耳蓋黃河之性合則流急分則流緩急則蕩滌而疏通緩則停滯而淤塞故以人力治之則逆而難以水力治之則順而易大都盡塞諸決則水力合矣寬築隄防則衝決杜矣多設減壩則遙堤固矣并堤歸仁則黃不及泗矣築高堰復閘壩則淮不東注矣堤柳浦繕西橋則黃不南侵矣修寶應之堤濬揚儀之淺則湖捍而渠通矣河身益深而河之赴海也順淮口益深而淮之合河也切河淮併力以推滌海淤而海口之宜洩二瀆也易此借水攻沙之明效也若謂水馴於分湧於合

恐其合而湧也則堤址旣遙而崩騰可恣是寓分於合矣若謂胡不用濬而純用築也則築堅而水自合水合而河自深是藏濬於築矣若謂胡不使黃淮分背而乃使淮助河勢河扼淮勢也則合流之後海口卽大闢蓋河不旁決正流自深得淮羽翼而愈深是用淮於河矣若謂河決爲天數不可以人力強塞故曰故道難復也然旣塞之後河卽安瀾是全天於人矣若謂胡不創築一渠而拘拘膠柱爲也則二百年成規本無庸創而自今復之是兼創於守矣若謂開壩之復行旅稍滯然河渠旣奠而行旅益通何便如

之是含速於滯矣雖然排河淮非難而排天下之異
議難合河淮非難而合天下之人情難使非選擇明
而任用專何能奏難成之績哉

右漕河

海道南自瓊崖北達遼碣回環二萬餘里魚鹽之饒
下被于民輓輸之利上濟於國而撻伐之方戍守之
備所係亦綦重矣今略舉濱海州縣著之於篇而附
以元人海運之跡城邑形勝山川事跡俱散見各卷中此不載其要荒蕃
服及島嶼諸夷皆畧而不書者亦以見重內畧外之
意且不欲啓後世窮兵黷武之心也

讀史方輿

卷一百二十九

川瀆六

五

敷文閣

廣東爲府者有十而濱海之府八瓊州府則回環皆海
也

瓊州府北至海岸十里渡海至雷州府海岸爲道六
十里而儋州西北去海四十餘里萬州東去海二十
里崖州西南去海五十里所屬十縣類皆竝海而瓊
之澄邁臨高文昌樂會儋之昌化萬之陵水崖之感
恩去海尤近云

大海在欽州之南又東爲廉州府之南

海在欽州南二百五十里與安南國接境又東爲廉
州府北去府城八十里

又東折而南爲雷州府之南

海自廉州府南境折而東南出雷瓊二府間又繞而

東北今雷州東西南三面皆環海東面去海僅十里

所領縣三徐聞一縣尤逼海濱矣縣在府南百餘里東去海二十里

又東北爲高州府之南

高州府南去大海百五十里所屬州一縣五而化州

之吳川縣尤迫海濱次則電白縣也吳川縣南去海四十里電白縣

東南去海百里大海自雷州而東北經吳川縣南又東經高

州府電白縣南而入肇慶府境

又東爲肇慶府南境

讀史方輿 卷一百二十九 川瀆六 三 敷文閣

府南境去海爲遠而所屬之陽江縣則南去海僅五

十餘里縣在府西南四百四十里與高州府之電白縣廣州府之

新寧縣界相接也

又東北爲廣州府南

海在府南百里而所屬之新寧新會香山東莞新安

五縣尤爲濱海要衝自陽江縣而東經新寧縣南縣

去海七十餘里又縣西南二百里又東北爲新會縣

南縣南去海八十里又東北經會城南而三江之水

流入焉三江西江北江東江其南則香山縣也縣北

城百五十里大海環其外又東北經東莞縣南縣西

渡海至北岸凡五十里

大海六 又東南為新安縣南海自縣之西北繞而東

上里 又東北接惠州府界

又東北為惠州府南

海在府南一百十里而所屬之海豐縣為濱海要地

縣城南去海百里 有甲子門諸險 志云海自廣州府新安縣東北經

府南境又東三百里乃經海豐縣南閩廣往來海豐其必出之途矣

又東北為潮州府南

海在府南百五十里而所屬潮陽惠來普寧澄海四

縣尤近海濱自惠州海豐縣東二百三十里經惠來

讀史方輿 卷一百二十九 川瀆六 三 敷文閣

紀要 縣南海在縣南四十里 又東經揭陽縣南海在縣東南九十里 又東經

潮陽縣南海在縣南五里 又東經府南又東經澄海縣南海在縣南四

十里 而接福建漳州府界

福建為府八而濱海之府四其西與潮州府接境者曰

漳州府

海在漳州府東南五十餘里而所屬詔安漳浦海澄

三縣皆濱海衝要也自潮州澄海縣東北入詔安境

海在縣城 東南一里 又東北經漳浦縣東海在縣東百里 又北經府東

南而海澄為漳州之門戶縣東北以及西南皆濱大

海欲固漳州必先衛海澄也

又東北爲泉州府南

海在泉州府城東南四十里唐貞觀二十一年泉州海溢而所屬

同安惠安兩縣尤爲衝要自漳州府海澄縣東北經

同安縣南縣西南去大海僅十餘里又東北經府東南又東北經

惠安縣南縣西南去大海僅十餘里又東北接興化府界

又東北爲興化府南

海在興化府南三十里自泉州府惠安縣東北入府

境又東北接福州府福清縣境東南有警防維最切

又東北爲福州府東

海在福州府東百里而所屬福清長樂連江羅源四

讀史方輿 卷一百二十九 川濱六 三 敷文閣 紀要

縣皆濱海之區也自興化府東北經福清縣東縣東去海

三十餘里又北經長樂縣東縣東去海亦三十餘里又北經府東而

建江流合焉建江詳福又北經連江縣東縣東去海三十里

又北經羅源縣東南縣東南去海三十餘里又東接福寧州界

福州者東南之隩區海陬之襟要也自福州而達江

浙風帆往來最爲捷徑自福州而達交廣乘潮駕浪

東西便易東晉末孫恩肆毒於東海其党盧循等竄

入番禺旣而劉裕與循等相持於潯陽裕潛遣水軍

自海道襲其番禺則閩海非經行之地乎唐咸通中

安南陷於南詔諸兵皆屯聚嶺南餽運艱阻閩人陳

礮石建議自福建運米泛海至廣州軍食以足宋理
宗朝朱子奏劄言廣東海路至浙東為近宜於福建
廣東沿海去處招邀米客景炎祥興之際自閩入粵
與蒙石爭衡於海島元至正十九年時山東河南之
路不通議遣戶部尚書貢師泰往福建以閩鹽易糧
給京師得數十萬石其後陳友定亦自閩中海運貢
奉不絕明初定閩粵皆由海道而前湯和出明州海
道取福州而廖永忠自福州海道定廣東世廟時倭
寇播惡殲除之績多在閩粵海中至於安南用兵識
者皆以海道之兵不繼故盪平未奏然則交廣用兵

讀史方輿

卷一百二十九

川瀆六

三

敷文閣

閩海又其上游之勢與

附海運攷福建布政司城東

壁碧水屋山島開洋至三岔河口又東至鼓山寺至
琅琦港娘媽宮前泊一日至長樂港口一日至民遠
鎮巡司一日至總埠頭港一日至福州左等衛一日
至五虎廟一日至五虎門開洋望東北行正東便是
荻蘆山亦謂之裹衣山正北是定海千戶所東南是
福清縣鹽塲一日至王家峪海島泊一日至北高山
巡司西洋山口泊一日至福寧州幫娘廟前泊一
口至蒲門千戶所晚收艦艦巡司海口一日至金鄉
衛一日至溫州府平陽縣平陽巡司海口一日至鳳凰山
銅盆山晚收中界山泊一日至磐石衛見霧在中界
山正北島泊待南風行至晚收楚門千戶所泊北過
利洋雞籠山至松門港收松門衛東港泊又至台州
海門衛東洋山泊離溫州望北行到桃渚千戶所聖
門山泊開洋至大佛頭山屏風山至健跳千戶所長
亭巡司又至羅漢堂山到石浦千戶所東關泊離石
浦港後門過銅瓦山後沙洋半邊山至箭谿千戶所
望北行至青門山亂石礁洋至錢倉千戶所雙臍港
騎頭巡司過至大嵩千戶所沈家門山招寶山進定

海港定海衛南門開洋望北行至遮口山黃公洋冽
港千戶所海衛寧衛東山姑山望北行若至茶山低了
至金山衛灘松江府上海縣海套水淺望東南行晚
泊候潮過羊山大七山小七山太倉寶塔望東北行
兩日夜見黑水洋南風一日見綠水瞭見海內懸山
一座便是延真島靖海衛口淺灘避之此運船自福
州至登州靖海衛之道也

又東北為福寧州東

大海在州東六十里自福州府羅源縣東折而北出

經州東又遼州北而達浙江温州府界

浙江為府十一而濱海之府六其南與福寧州接界者

曰温州府

大海在温州府東九十里唐顯慶元年總章三年海
水屢溢永嘉固二縣即

讀史方輿紀要卷一百二十九 川瀆六 高 敷文閣

温州境也而所屬平陽瑞安樂清三縣皆濱海要地也自

福寧州北經平陽縣東海在縣東南七十里又北經瑞安縣東

海在縣東百里而又北經府東又東北經樂清縣東

海在縣東南六十里又東北接台州府界

又東北為台州府東

海在府東百八十里而所屬太平黃巖寧海三縣皆

濱於海自樂清縣東北經太平縣東海在縣東南二十里又東

北經黃巖縣東海去縣城百里有海港直入徑
至縣城北府境海防縣為最衝黃巖

台郡之門戶也又北經府東又東北經寧海縣東海

縣東四十里與寧波府接界

又東北為寧波府東

海在府東南百餘里而所屬之象山定海慈谿三縣

皆濱海要地也自寧海縣東折北而出為象山縣

縣東西南三面皆濱海相距皆不過數十里防衛至切

又迤北而西折定海縣當其衝

縣城東北兩面皆濱大海定海不特寧波一郡之鎖鑰而全浙之噤喉也由定海而西為寧波之北境

又西則慈谿之北矣

縣北距海六十里蓋大海自閩至浙皆北行至台州東北乃益折而東過象山又折而西府

境適當折旋之處東南北三面皆險也自寧波北望

金山大洋出崇明沙上海門風帆隼飛信宿可至寧

讀史方輿紀要卷一百二十九 川瀆六 三五 敷文閣

波告警大江南北安得晏然無事與

大海西折而北出西南為紹興府境

海在府北三十里浙江錢清江曹娥江之水並會於

此而入海謂之三江海口

唐太和二年越州大風雨海溢西北趨杭

州不過百餘里會城以此為門戶而所屬之餘姚縣

亦為濱海要地

海在縣北四十里自府北而東北對海寧海

鹽一帶烽火相接也

又北為杭州府境又東北為嘉興府境

海在杭州府海寧縣南十里與紹興府三江口相接

並為襟要

唐大歷十年杭州海溢自海寧縣而東又微折而北

經嘉興府海鹽縣城東里許又東北折而入江南松

江府界

江南為府十有四而濱海之府四其南與嘉興府接境者曰松江府

海在松江府東南七十餘里而所屬上海縣亦濱海

要區也自海鹽縣東北折即府境金山衛在府東南七十二里

其南遙對定海門當江南之要衝又東北經府東又北歷上

海縣東西去縣七十里而吳松江之水自縣北以達於海矣

吳松江詳見江南大川三江

又微折而西北經蘇州府之東

讀史方輿 卷一百二十九 川瀆六 三 敦文閣 紀要

海在府東百八十里而所屬之嘉定縣太倉州常熟

縣皆濱海崇明縣則孤懸海渚在太倉州東二百里大海環其四面東

北與海門縣之料角嘴相為控帶為長江外衛舊稱

險要今自上海縣而北即嘉定縣之東境海在縣東四十五里

縣南吳松江與上海縣分界又北即太倉州之東境海在州東七十餘里劉

河入海處也又北為常熟縣東北境海在縣東北百餘里大江

經縣北以達於海江之北岸即揚州府境矣海運攷劉家港

出揚子江南岸候潮長沿西行半日到白茅港潮平

帶蓬櫓搖過撐脚沙尖轉崇明沙正東行南有朱八

沙婆娑沙三脚沙須避之揚子江內北有雙塔南有

范家灘東南有張家沙江口有陸家沙可避口外有

暗沙帶直至崇明江北有瞭角嘴開洋或正西兩

南西北風潮落正東或帶北一字行半日可過長灘

是白水洋東北行見官綠水一日見黑綠水循黑綠
水正北行好風兩日一夜到黑水洋又兩日夜見北
洋綠水又一日夜正北望顯神山半日見成山自轉
瞭角嘴未過長灘正北行靠桃花班水邊北有長灘
沙嚮沙半洋沙陰沙溟沙切避之如黑水洋正北帶
東一字行量日期不見成山黑水多必低了可見升
羅嶼海中島西有磯如筆架即復回望北帶西一字
行一日夜便見成山若過黑水洋見北洋官綠水或
延真島望西北行便是九峯山向北去有赤山勞山
皆有島嶼可泊若勞山北有北茶山白蓬頭石礁橫
百餘里激浪如雪即開使或復回望東北行北有馬
鞍山竹山島北有旱門漫灘皆可泊北向便是成山
如在北洋官綠水內望見顯神山挑西一字多必是
高了即便復回望東北行過成山正西行須到劉公島西
內有浮礁避之西有夫人嶼不可行須到劉公島西
可泊劉島正西行到之架島東北有門可入西北離
百餘里有黑礁三四畝大避之至八角島東南有門
可入自之架島好風半日過抹直口有金嘴石衝出
洋內潮落可見避之至新河口沙門島東南有
淺揆深行南門可入東有門有暗礁西北有門可泊
讀史方輿卷一百二十九川瀆六 三

紀要

又北為揚州府之東境

海在府東三百餘里而所屬之通州海門如臯興化

諸州縣皆濱海處也今自海門而南為大江入海之

口最稱衝要東南與崇自縣東又折而西北門縣東

去海十里北去海二十里今縣為通州之東北境東

境大抵淪入於海非復舊壤也

北去海五十里又西北為如臯縣之東北境縣東北去海百餘里又北

為興化縣東境縣東去海亦百餘里又北接淮安府鹽城縣界

又西北經淮安府之東

海在府東二百里而所屬之鹽城安東縣以及海州

贛榆縣皆濱海今自興化縣而北經鹽城之東縣東去海

五十里又北經府東益折而西北為長淮入海之口淮

河北岸即安東縣也縣東去海五十餘里又北經海州之東海

東廿八里又北為贛榆縣東海在縣東北七十里接山東青州府境

大海自江南海州而北為山東青州府之境又折而東

為萊州府及登州府之南境

讀史方輿 卷一百二十九 川瀆六 三六 敷文閣

海在青州府日照縣東二十里與贛榆縣接界唐上元三

年青州大風海溢漂居人五千餘家折而東北為萊州府之膠州境東

南二境皆去海數十里又東北經即墨縣境海在縣南五十里

北皆濱海南與海州及安東縣相望又東北為登州府萊陽縣境海在縣南

百餘里又東為棲霞縣境海在縣南百四十里又微折而東南為

文登縣境海在縣南六十里而東北兩面亦皆濱於海此山東南面之海

道也

大海經登州府東境又折而西經登州府之北及萊州

府青州府之北

海自文登縣東北出而西折經寧海州之北州北至海五十

里 又西經福山縣之北海在縣東北三十餘里 又西經登州府

之北海在府城北五里北與遼東相望自新開海口五百里而近

又西經招遠縣之北海在縣北五十里 又西經萊州府之北

海在府城 又西經昌邑縣北海在縣北五十里 又西經濰縣

北海在縣之 又西經青州府壽光縣北海在縣北五十餘里 又

西經樂安縣北在縣東北百十里與博興縣接界 又西北而入濟南

府境此山東北面之海道也

大海西折而北出經濟南府之東北

海在濟南府濱州東北八十里今自樂安縣而西北

經蒲臺縣東西至縣百四十里 又北經濱州東又北經利津

讀史方輿 卷一百二十九 川瀆六 三九 敷文閣

縣東海在縣東北三十里 又北經霑化縣東海在縣東六十里 而入直

隸滄州境蓋山東之為郡者六而濱海者凡四

又北經直隸河間府之東

海在河間府滄州東百八十里自霑化縣境經鹽山

縣東海在縣東七十里 又北經州境又北經靜海縣東海在縣東

北百五十里 當漳衛諸川入海之處所謂小直沽也天津

衛在焉衛在靜海縣西北七十五里 為畿輔噤喉之地元人海運

至大都者皆集於此明初亦因其制今漕運之達京

師者亦未嘗不自天津而北也海運考自直沽開洋望東挑南一字行一

日夜見半邊沙門島挑南字多必見萊州三山挑東北行半日便見沙門島若挑北多見砣磯山南收登

州衛沙門島開船東南山嘴有淺挨中東行好風一
日夜到劉島劉島開洋望東挑北一字行轉成山嘴
正南行好風一日夜見綠水一見白日見黑水又一日
夜見南洋綠水又兩日一夜見白日見黑水挑西一字
行一日點竿截二丈漸減一丈五尺水下有亂泥二
尺深便是長灘挑西收洪如截硬沙即便復回望
東行見綠水到白水等長沙收三沙洪如不著洪望
東南行日看黃綠色浪花如茶抹夜看浪濤如大星
多即見茶山若船坐茶山往西南一字行朝北見崇
明沙南見清浦墩岸劉家港如在黑水洋正南挑西
多是高了前正有陰沙半洋沙嚮沙攔頭沙即是瞭角
嘴便復回往正東行看水色收寶山如在黑水大洋挑東
便即挑東南行看水色收寶山如在黑水大洋挑東
多必是低了見隔界大山一座便望正西南一字行
一日夜便見茶山如不見隔界山又不見茶山見黑
綠水多便望正西行必不見石龍山孤礁山復回望西
舟自直沽南運之道也

大海又北折而東出經順天府東南及永平府之南

讀史方輿

卷一百二十九

川瀆六

旱

敷文閣

海自天津而東北為順天府寶坻縣東南境海在縣東南二
百餘里又折而東為豐潤縣之南境海在縣南又東為
永平府灤州南境海在州南又東為樂亭縣南境海在
縣南三十里又東經永平府南海在府城又東為昌黎縣
南海在縣東南七十又東經山海關南而接遼東界
南海在關自登萊以迄於滄州永平之境古所謂渤海
之險也

大海自西而東經廣寧之南境又南折而東出經遼陽
之南境

遼東南面皆濱海為險回環幾二千里自山海關而

東舊曰廣寧前屯衛南去海二十里又東舊曰寧遠衛南去海二十里

十五里又東北舊曰廣寧中屯衛南至海五十里又東舊曰義

州衛南去海百五十里又東舊曰廣寧右屯衛南去海三十里又東

舊曰廣寧衛南去海百三十里此古所稱遼西地也自此折

而南經故海州衛之西南曰梁房口關亦曰三岔口

在海州衛西為遼河入海之處又南經故蓋州衛西

南七十里又南經故復州衛西東去衛城四十五里又南經故金

州衛西東去衛城三十里又南折而東經衛南北去衛城百二十里曰

旅順口關為遼東全鎮咽喉之地南對登州府又東

北至遼陽南境海在城南七百里又東接朝鮮境內此古

讀史方輿 卷一百二十九 川瀆六 聖 敷文閣

所稱遼東地也蓋西南以安南為翼衛東北以朝鮮

為藩維懷柔鎮疊之規模於此亦可觀矣海運考自遼河口開

洋順風一日夜至鐵山帶東二字望南行經成山入

南洋望正南行經成山入南洋望正南行三日夜經

桃花班水望東行見白水帶西二字勤戮點竿尋長

灘一丈八尺漸減至一丈五尺望西行戮揚子江洪

如不見望下使必見茶山船稍南面坐茶山望西行

半潮便見崇明沙如風順一潮至劉家港內此運舟

自遼東南還之道也

邱濬曰海運自秦已有之而唐人亦轉東吳粳稻以

給幽燕杜甫詩漁陽豪俠地擊鼓吹笙竽雲帆轉滌

哉吳門持粟布汎海凌蓬然以給邊方之用而已用

之以足國則始於元初伯顏平宋命張瑄等以宋圖

籍自崇明由海道入京師至元十九年始建海運之策命羅壁等造平底海船糧從海道抵直沽是時猶有中灤之運不專於海道二十八年立都轉運萬戶府督歲運至大中以江淮江浙財賦府每歲所辦糧充運自此至末年專仰海運矣說者謂雖有風濤漂溺之虞然視河漕之費所得蓋多故終元之世海運不廢

羅洪先曰考元至元二十一年伯顏始建議海運尋建海道萬戶府三任故海盜朱清張瑄羅壁爲萬戶初時押運糧僅三萬五千石船大者不過千石小者

讀史方輿
紀要

卷一百二十九

川瀆六

聖

敷文閣

三百石自劉家港出揚子江盤轉黃連沙嘴月餘始至淮口過膠州勞山一路至延真島望北行轉成山西行至九臯島劉公島沙門島放萊州大洋收界河兩月餘抵直沽實爲繁重至元二十六年增糧八十八萬石二月開洋四月直沽交卸五月還復運夏糧至八月回一歲兩運是時船尚小二十七年朱清請長興李福四押運自揚子江開洋落潮東北行離長灘至白水綠水經黑水大洋北望延真島轉成山西行入沙門開萊州大洋進界河不過一月或半月至直沽漕運利便大德以後招兩浙上戶自造運船量給

腳價船大者八九千小者二千餘石歲運三百六十萬石至京師迤南番貢亦循道而至自上海至直沽內揚村馬頭凡萬三千三百五十里不出月餘即達省費不貲若長樂港出福州經崇明以北又自古未有之利也

有之利也

元史初海運之道自平江劉家港入海經揚州路通州海門縣黃連沙頭萬里長灘

開洋沿山嶼而行抵淮安路鹽城縣歷西海州海寧府東海縣密州膠州界放靈山洋投東北路多淺沙

行月餘始抵成山計其水程自上海至楊村馬頭凡萬三千三百五十里至元二十九年朱清等言其路

險惡復開生道自劉家港開洋至撐腳沙轉沙嘴至三沙揚子江過區擗沙大洪又過萬里長灘放大洋

至青水洋又經黑水洋至成山過劉島至之采沙門二島放萊州大洋抵界河口其道差為徑直明年干

戶殷民畧又開新道從劉家港入海至崇州三沙放洋向東行入黑水大洋取成山轉西至劉家島又

紀要

讀史方輿 卷一百二十九

川瀆六

三

敷文閣

至登州沙門島於萊州大洋入界河當舟行風信有時自浙西至京師不過旬日而已視前二道為最便云

梁夢龍曰元史稱元人海運民無輓輸之勞國有儲蓄之富今國家都燕財賦自東南而來者僅恃會通

一河識者不無意外之慮若尋元人海運之道別通

海運一路與河漕並行江西湖廣江東之粟照舊河

運而以浙西東瀕海一帶由海運未為非策也

邱氏潛亦

主此又曰元人出海運或至損壞者以起自太倉嘉

定而北也若但自淮安而東循登萊以洎天津本名

北海中多島嶼可以避風與東南之海渺茫無際者

迥異誠議運於此是名雖同於元人而利實專其便易矣

王在晉曰元輕使其民是以投之窮海而忍視其死至元二十八年漂米二十四萬五千石有奇至大二年漂米二十萬九千石有奇其隨船汨沒者不知幾千人矣元史亦言風濤不測夫驅民而納於沆漭之中仁人不忍言也况以今時而出海道則三十六島之間定有餘糧矣或者曰利害相因在審時而度勢事之不可執一論也豈獨海運爲然哉○山居論曰禹貢言沿於江海達於淮泗又曰夾右碣石入於河

讀史方輿紀要

卷一百二十九

川瀆六

四

敦文閣

是貢賦之道未嘗不兼用海也秦人飛芻輓粟起於黃腫琅邪負海之郡輪轉北河其制未盡非而用民失其道矣說者謂海運作備於秦而效法於元豈通論哉

右海道